


Л. Успенский

НЬЫЛЬ БОЕВОЙ УЧЫРЪЁС



УДМУРТГОСИЗДАТ — 1941



Удмур.
3-405.

Л. УСПЕНСКИЙ

НЬЫЛЬ БОЕВОЙ УЧЫРЪЁС



УДМУРТГОСИЗДАТ
ИЖЕВСК — 1941





Асьме странаысь вань пиналъёс тодо Климент Ефремович Ворошиловез, Советской Союзлэсь маршалзэ. Тодо но ярато сое. И эшто но со сярысь уногес, ваньзэ ик тодыны туртто!

Соослэн тодэмзы потэ, кызы ульз Ворошилов пичи дыръяз. Кызы со дышетскиз. Ку но кызы со большевик но Красной Армилен командирез луиз. Кызы белойёс пумитэ бойёсы нуллыльз советской дивизиосты но корпусёсты. Кызы вормыльз тушмонёсты.

Со озы. Сыче рассказёс кадь номыр но тунсыкоез өвёл. Но ведь Ворошилов эшлэн данлыко улонысьтыз самой главнойёссэ луэм ужъёсты тодэ вайыны ке кутскид—зёк книга гожтоно луоз. Оло нош, одйг гинэ өвёл, уно книгаос. Сое ноказыны но пичи гинэ повесте тэрытыны уз луы.

Ворошилов сярысь сыче бадзым книгаос вань. Со книгаосысь тй куке но уно кулэоссэ со сярысь тододы. Нош та пичи книгаысь тй шедьтоды вакчиесь гинэ ныль рассказёсты. Отын куке но кемалась арёсы гражданской война дыръя фронтын Ворошиловен огшоры ныль боевой учыръёс луэм сярысь вераське.



ПЯТИИЗБЕННАЯ НИМО СТАНИЦА

Уй но нунал бойёс мынйзы. Уин но нуназе красноармейской частьёс восток пала мынйзы, Волга доры, Царицын город доры (табере со Сталинград шуыса нимаське). Сюрес секыт вал. Белойёс котькуд палась мериськизы. Котырьсь винтовкаослэн тачыртэмзы, орудияослэн ыбылэмзы, пуштылэм куараос кылйськылйзы... Шуак, со дыре, ку асьме войскоос асьсэ азысьтызы пичигес гинэ гуртэз, Пятиизбенной станицаез адзизы, соку ик котырын чалмыт луиз. Кесяськем куараос но ыбылйськемъёс но өвёл ни. Тушмон, кытчы ке пытытэм выем кадь, ышиз. Кытчы со пыриз? Кытысь нош ик потоз? Тодмо өвёл!

Войнаын таёе валантэм уж кужмо бойлэсь но уродгем. Тушмон кышкыт луэ, ку умой уд тодйськы, кытын со, мар со лэсьтэ. Кулэ вал али ик кышкыт разведкае мыныны, кыдёкынгес пеймыт адскись посёлоке пырыны, тодыны, уг ватскы-а отчы тушмон? Та уж туж секыт но со дыре ик туж кулэ вал.

Разведкае пичи броневикез — пулеметэн боевой броняо автомобилез лэзыны кариськизы. Броневик вуж но сӧриськылэмын вал, нош умойзэ матысь шедьтыны ӧз луы. Бен соку Красной Армилэн умой машинаосыз ӧжыт вал на.

Бусые потон азын тодмо луиз, что броневикын, шоферен Ӈош, армиен командовать карись Климент Ефремович Ворошилов мыноз. Валаны луэ, что разведка со нуналэ туж кулэ уж вал, соин Ворошилов отчы ачиз мыныны кариськиз.

Броневик вань кужмысь паськыт буш бусыез ортчиз. Со бусы красной боецъёсты гуртлэсь люке вал. Броневик кужмо мынонъяз ик поселокке пыриз. Станицалэн главной урамез буш вал. Тушмонъёс нош палэнысь переулокъёсы ватскизы, луоз.

Мынонзэ лябомытытэк, шофер машиназэ меӇ кожись переулоке пыртӇиз но соку ик вань кужмысьтыз дугдытӇиз: стоп!

Сокуик тодмо луиз: маке но ужпум кышкыт. Переулок тупикен быре вал. Мукет потон отысь ӧй вал. Отын, тупик пумын, пу заборъёс дорын, энерам казачьей валъёс думылэмын. Нош вань корка ӧсьёсысь, капкаосысь, калиткаосысь, моторлэсь Ӈашетэмзэ кылыса, вооруженной адямиос потыло. Казакъёс! Белойёс!

Шофер пуӇиз. Ымнырыз солэн бур кадь, тӇды луиз.

— Мар тон турттӇиськод?! Малы дугдӇд?— кеськиз Ворошилов.

— Сябег! Мынонъя берытскыны уз луы, товарищ командир!

Со та кылъёссэ вераны өз вуы на, нош ка-
закъёс, кесяськыса, машина доры лыктыны кут-
скизы. Соку ик броневик пушкын дыбыртыны,
йыггетыны, тэтчаны кутскиз: со озыы краснойёс-
лэн одйг гинэ пулемётсы тачыртыны кутскиз.

— Ага! Өз яра? Пуляос улэ выдйды, бан-
дितъёс?!

Шофер, ымдурзэ куртчыса, берлань чигнан
рычагзэ кыскиз.

— Ох, товарищ командир, — беда!.. Берлань
ходмы сörиськем... Маиз ке но уг ужа. Потэммы
уз луы...

Казакъёс сразу валазы, что броневиклэн по-
тэмез уг луы ни.

— Мар? сюриды-а, горд периос? Ну, табере
ми тйледыз!

Тани соос канаваосы пыро ни, ожо вылтй
нюжтйсько, кызыы ке но матэгес вутскыны турт-
то. Броневик борды йöтылйсь пуляослэсь, бро-
невикын пукусь адямиослы пельтэм кылымон
тачыртэм кылйське. Пуляос, броня борды шук-
киськыса, уно пöсь узвесь но андан пырыосын
пазыгисько. Со векчи пырыос сyбегесь боевой
укноосы пырыны шедё, киосыз, ымнырез ранить
каро, дйськутэз пыр суто...

Шофер егит гинэ пи, ма карыны ик уг ни
вала.

— Мар каром, товарищ командир? Кызыы-о
кароно на табере? Быримы ук?— шуэктыса ве-
ра со.

Ворошиловлэн чурыт кыиз солэн пельпум
вылаз выдйз.



— Да мар тон, друг, мар тон! Марлэсь кыш-кад? Возькы кужмогес! Туртты-ай,—олонош, өжыт ке но машина берлань кариськоз. Вай, вай, берытскы каньылля... Да эн кышка, номыр но кышкытэз өвөл на. Ыбылйском но потом! Сэрыт!

Котькудйз тй пöлысь адзиз, луоз, кызысь сюбег переулокын яке азбарын секыт грузовик берытске. Жог сое уд лэсьты. Вамыш азылань, вамыш берлань... өжытак паллянэ, өжытак бурпала... Кык метр азылань, кык берлань, собере нош ик жыны метр бурпала... Минут, кыктэтйез, куинь-метйез...

Озысь вал татын но...

Нош пуляос со дыре йö зор кадь усыйлызы. Казакъёс нош сюбег урам вамен куинь кузя, ньыль кузя, оген бызыса, потылйзы. Соос то выдылйзы, то нош султылйзы; соос асьсэзыс кесьяськемен, вузэмен, чашетэмен жуткаллязы но дугдылытэк ыбылйзы. И ялан соос матэ но матэ вутско.

— Эх, только соос медам валалэ вал мукет палтй котыртыны. Только тодазы медам лыкты вал сюресэз пытсаны. Сюрес вамен канава гудозы, со вамен коръёс тырозы но... Соку—ваньмыз быриз! Эшшо куинь минут ке но... эшшо кык... эшшо одйг...

Нош со дыре пулемет берпум патронъёссэ ыбылэ ни вал. Со могоны кутскиз. Броневикин чидантэм пöсь луиз. Ворошилов табере сюбегесь боевой висъёстй тушмонъёсты маузерен ыбылыны кутскиз, одйген, бырйыса: тайзэ, забор дорысьсэ... Табере —кыктэтйэ. Ага,—йötйз!

— Патронъёс гинэ мед тырмозы вал, вуг-
скыны гинэ кулэ вал... А ну, ну, эш! Вай эшшо
өжыт! Каньылгес! Эшшо огпол... Ну... Ну!

Тани, машина берытскиз. Каллен, чылкак ка-
нава дуре бекырскыса, со кызыы ке озыы сюрес-
лэн дураз горд суй вылэ паллян питранэныз йөт-
скиз... Но — кошкиз! Озыы, эшъёс, кошкиз, кошкиз!

Броневик йылысь боевой башня, богатырь-
лэн шлемен йырыз кадь, кышкыт берытскиз
берлань.

— Ага, гажаноосмы, мелэ, басьтэ берпум
пуляос. Тани тйледлы, тани, тани, тани!!

Кир-пазь выронъязы, белойёслэн тодазы но
өз лыкты броневиклэн берпалаз потыны, солы
берен кошкыны сюрессэ пытсаны.

Сюрес буш вал!

Сиреналэн сипресгем шумпотэм куараез вөл-
скиз. Эрикелэзискем вал сямен, броневик ды-
ректйз, бер питранъёсыныз кёс турынез, тузонез,
шелепъёсты пуръытйз но главной ураме, бусые,
асьсэлэн доры кошкиз.

Уж лэсьтэмын вал. Красной войскоос табере
умой тодйзы, кытчы ватскемын соослэн тушмон-
зы. Нош бойын котьмалэсь со дуногес...

Кык час ортчыса, ватскем белойёс хуторысь
сэрпалтэмын вал.

Таче нырысез учыр соосыз пöлысь, кудъёс-
сэ мон тйледлы мадыны медйсько.



СМЕЛОЙ РАЗВЕДКА

Кыктэтйез учыр луиз ини Царицын дорын, Волга дурын.

Белой армиос, чигнась краснойёслэн пытьытйзы мыныса, Царицынлэн матаз ик вуизы, куинь паласен сое котыртйзы.

Белойёслэн батареяоссы пöлысь одйгез — нбыль пушкаос но ог сю солдатъёс — город котырысь гуртъёс съöры, степе, жугиськонэз возьманы дугдйз.

Вазь чукна белойёслэн штабысьтызы та батареяе вал вылын мурт лыктйз. Со ваиз приказ наступленилы дась луыны. Батареяз эскерон понна бой азын отчы командовать карись — лек но кышкыт генерал лыктыны дасяське вал. Батареяын мар каремзэс валантэм кир-пазь дасяськон бугырскиз.

Командир соку ик приказ сётйз: улй чинъёслы, солдатъёслы, — асьсэдыс жикыт карыны, бирдыос-

сэс, е бичыоссэс луоен чилятыны. Господаослы офицеръёслы по-военному, сэзь-сэзь луоно.

Кышкыт генерал шөдтэк шорысь медам вуы шуыса, вахмистр Владюковлы косэмын вал матысь вырйылысен вал вылын всяк пукыны но учкыны сюрес вылэ — уг лыкты-а?

Вахмистр горд тушо бадзым воргорон вал. Сюдэм, быз-быз тыр, зөк валэз со улын куасалске. Вырйылын вал вылын вырзылытэк пукись мыйыко адями, кыдёкысен кыче ке памятниклы укшалляз.

Тани, бератаз кизэ со жутйз но, валзэ шпоръёсыныз зырзыса, азьлане вортйз. Со адзиз: кыдёкысь степьтй тузонэз пурзытыса, батарея дорылыз буёло военной машина лыктэ.

Тйни со ог дырлы сюрес вылэ дугдйз, тани берытскиз турын вылэ, собере нош ик батарея пала кошкиз, но малы ке но берласянь.

Вахмистр Владюков солэн азьпалаз ворттэ. Со, конечно, кылыны өз быгаты, мар сярысь вераськызы со дыре автомобильын мынйсьёс.

— Вай-ка Цыбаненко, берлань ходэн мын!— шуиз одйгез соос пöлысь.— Озыы умойгес луоз. Тужгес кыдёке пыриськеммы ни асьмеос. Кин тодэ, кинлэн со батареяз: асьмелэн-а яке белойёслэн-а?

Владюков ог секундлы жегатскиз, синъёссэ кыыныз сайултыса, лыктйсьёс пала учкиз, собере черетскиз:

— Гей, батареяын!— и төлпери сямен, машина пала кошкиз.

„Куать кузя лыкто шөдске. Военнойёс,— мал-



паз со.—Значит—генерал! Его превосходительство!“

Машина доры чылкак матэ вуыса, со юн вортонъяз ик валзэ сэзяк дугдытйз, кизэ капчиак гинэ фуражкаезлэн ныр дораз кариз, боз куараеныз генералэз зечкыланы ымзэ усьтэм вал но... вал вылысьтыз өжыт гинэ өз усьы: „Мар та-че та?“

Автомобильсы адымиослэн фуражкаосазы горд кизилиос пишто.

Вахмистр кобураысьтыз наганзэ зурак! потыны медэ вал но... бер луиз. Машинаын шофёрен артэ пукись адыми улэ лэзем винтовказэ соку ик жутйз. Стептьй ыбем куара кужмо шуккиськиз.

Вахмистрез йыраз корен шуккизы кадь. Сермет зезьзэ лэзыса, со музъем вылэ сумбрес-секыт усиз. Кышкатскем вал бер пыд йылаз урдскиз но кузеезтэк төлпери кадь, степетй кошкиз...

Батареяын соку ик мар луэмез ваньзэ валазы. Ог вить мурт вал вылэ пуксизы но ури-бери ворттйзы машина пала. Батареяын верантэм кушектйзы.



— Пулемет!—кесяськызы, белой офицеръёс, я отчы, я татчы бызьылыса.—Сэрыт! Татчы! Ыбылэ машинаез! Эх, кошкозы! Жоген!

Лыз автомобиль кыдёкын ой вал на, нош сое ыбылэмзы өз ни луы. Машина но батарея вискын асьсэлэн коннойёссы машина съёры уисько ни вал. Кутскод ыбылыны—асьсэлэнъёсызлы йөтоз. Мар отын карыны?

Вал вылысь муртъёс, пельпумысьтызы пычалъёссэс басьтыса, вань кужмысьтызы машина съёры уисько. Нош жоген соос валъёссэс жог мынонлэсь возыны кутскизы, кылыны—бен паймонэз но өвёл: туж жог кошкись автомобильысь шонер ыбылйзы уиськисьёс шоры. Тани одйгез вал вылысь музъем вылэ бекмыльскиз. Тани мукетсэ раненой вал ас улаз пачкатйз. Мукетъёсыз куиньёсыз валъёссэс дугдытйзы: а ну, соосты, мед кошкозы! И пилем кадь жутскем тузонэн чош лыз машина жоген кыдёке кошкиз...

Тушмонэн пумиськем интыысь көня ке палэнэгес кошкыса, кык вырйыл вискысь улэге, колдча доры, машина дугдйз. Шофер, брезентовой ведра кутыса, вулы бызиз: мотор мултэс пө-

сяны шедёз. Чукна степь омырын капчи курыт-алэс-ыркыт турын зын вёлскемын.

Шунды вылйын вал ини. Ин чылкыт но лызчагыр луиз. Кыдёкын, бур палан гинэ, самой горизонт вылын, кык бадзымесь куреньалэс-пурысь пилемъёс вёлско. Со озьы белойёсын снаряжэн жуатэм кыче ке но матысь станциос жуало вал.

Бугырском мылкыдо пассажиръёс, серекъяса, машинаысьтызы потйзы пидъёссэс юскатыны.

— Ну, пиналъёс, кыче-о?— юаз бадзымез.— Мозмытким, лэся, а?

— Мозмытским, Климент Ефремович,— шумпотыса вожвылат вазизы эшъёсыз.— Нош котьмар ке но, товарищ командарм.. Озьы яра шат? Тужгес дйсьтйсь тй: а нош виысалзы ке?

Воршилов чепыльтэт ёрос вож турынез ишкالتйз, кияз сое посйз, зынъяз но пальпотйз.

— Чудакъёс тй, эшъёс!— вераз со, яркыт степьлэн кыдёказ учкыса.— Кышкад ке, обстановкаез кызы тодод? Тани ортчимы ог витьтон иськем, табере ини асьмелы тодмо, мар карыны.

Со ожит чалмиз, малпаськиз но, нош ик пальпотйз.

— Возьмалэ-ай, адзоды, кызы асьмеос соосты тышкаломы!

Зэм но. Көня ке нунал ортчыса, красной частьёс наступать карыны кутскизы.

Сыче вал кыктэтй учыр.



ПУЛЕМЕТЭН

Куиньметйез учыр луиз озьы ик Царицынлы матын, Воропоново станциын. Тани кызьы луиз ужпум таяз.

Сйзбыл, октябре, фронтын нош ик орудюс гудыръяны кутскизы. Белойёс эшшо ог пол шудзэс утчаны туртскизы, Волга доры потыны малпазы.

Ворошилов ноку но өз яратылы боен кивалтыны кыдёкысен, городысен. Дастьамысэти число штабной вагон сое Воропоново станцие ваиз. Бойлэн самой линия дураз ик. Татын со нунальёсы уд вала мар лэсьтйськылйз.

Со дыре асьмелэн оружие сяна, уноез муке-тыз но өз тырмылы. Паровозъёс но асьмелэн өжыт вал. Соин ик пичи гинэ станциын ваньмыз тугаськемын, сураськемын вал. Чугун сюресьёс вылын туж кузесь лыдтэм трос поездъёс люкаськемын, тросэз курень вагонъёсын но теплушкаосын эшелонъёс.

Штаблэн укноосысеныз адзисько соослэн йыл-
пумтэм радъёссы.

Куд-огъёсаз теплушкаосын раненойёс кыллы-
зы. Соос али гинэ фронтысь ваеын вал, кытын
уин кужмо жугиськон мынйз. Мукетъёсыз вагонъ-
ёс тыросаз тырмытэмын вал шудтэм но пегзем
муртъёсын со интыосысь, кытын табере кузёясько
ни белойёс. Таосаз вагонъёсын лябзем пересьёс
кызылйзы, бёрдылйзы но лулскылйзы нылкышноос,
викышъязы но чиргетылйзы пичи пиналъёс. Вань-
мыз таос кыче ке но кышкасьтэм ожмаськисьёс
ой вал, а соос мирной, лябзем, жадем, войнаен
но лек тушмонэн кулымон кышкатэмъёс вал.
Ожмаськон но матын, урдсын ик бен мынйз ук!

Нош озы ке но, станция самой фронтын
ик ой вал. Соин ик отын вооруженной красноар-
меецъёс — боецъёс туж ожыт вал..

Чылкак нуназе шорын Ворошилов ас дораз
вагонэ помощникъёссэ совещание отиз. Карта
вадьсы мыкырскыса, красной частьёслэн коман-
диръёссы малпаськизы, мар карыны белойёслэсь
кужмо наступленизэс дугдытон понна. Шуак ук-
но съёрын ез чигем сямен — кылйськиз шимес ке-
сяськем кышномурт куара:

— Утялтэ! Утялтэ! Белойёс!

Гожтыны ик уз луы, мар луиз со дыре.

Вань вагонъёсысь, теплушкаосысь пересьёс,
нылпиос, кышномуртъёс, визьтэммем сямен, бусые
бызыны кутскизы. Ваньмыз соос, кышкамен
йырзэс ыштыса, чугун сюрес кузя бызыло, ке-
сясько, бёрдо, огзы борды огзы кутскыло.

— Утялтэ! Утялтэ!

Раненойёс, кудъёсыз быгато на вал ветлыны но кудъёсылэн винтовкаоссы вал, соос но асьсэ теплушкаосысьтызы тэтказы. Огъёсыз биньылэм киосынызы штыкъёссэс винтовкаоссы борды юнматъязы, мукетъёсыз пиньёсынызы затворъёссэс усьязы, соос асьсэ улонзэс дуно дунын сётыны дасяськызы. Нош соос сокем о́жыт вал, туж о́жыт вал!..

Ворошилов но солэн штабез озьы ик вагонысьтызы жо́г гинэ потйзы. Нырысетй коммунистической дивизилэн но командирез пегзисьёсты дугдытыны потйз. Солэн раненой пыдаз бинет вылэ кы́че ке но бадзы́м туфли кутчамын вал. Со курылы́з, сьулворылы́з, валэктылы́з, кышкатъяз но, озьы ке но ваньмыз юнме вал. Кышканэн дэймыса, та пересьёс но кышномуртъёс, нокинлэсь но номыре но о́з кылзэ ни.

Ворошилов юг пала учкиз, отчы, куд пала кышкаса берытскылызы пегзисьёс. Озьы, ужпум урод вал. Станция котырын кыдэке степе кошкыло бушам сйзы́л садъёс, голыкесь, куартэмесь. И со садъёс сьорысь, писпу вайёс вискытй со адзиз: сю, кык сю, вить сю, уд тоды, ко́ня белойёс лыкто вал вылын. Соос вань кужмысьтызы станция доры лыкто... Соос кытй ке но палэнтй асьме мышкы пырыны быгатйзы, луоз.

Мар-о табере карыны на? Утись о́во́л. Кошкыны? Кошкыны уг луы. Луэ шат кельтыны тушмон ки улэ та шудтэм, дурбасьтымтэ адымиосты— пересьёсты, нылпиосты но кышномуртъёсты? Лусал ке ки улын одйг ке но пулемет.. Нош со о́й вал ук! Озьыен— кыле на одйгез: бырыны бойын...



Ворошилов, эшъёсыз шоры учкиз но, йырзэ мыкыртыса, пельпумысьтыз яратоно карабинзэ — осконо, пичи кавалерийской винтовказэ басьтйз. Белойёс — соос кикур вылын кадь адско ни вал — степетй станциозь кыстйськись нюк дорозь вуизы но отчы радэн-радэн ышизы. Тодмо луиз: кык-куинь минут ортчыса, соос нюкысь чылкак матын луыса потозы, тйни отй, со кык писпуос дортй, и соку...

Кин ке штабной красноармеецъёс пöлысь, бертйз лыктыса, Ворошиловлэн гырпумаз каллэн öйтскиз.

— Товарищ командарм, — шыпыт вазькиз со, — тйляд валды сезь. Косэ, мон дасяло сое. Пуксе, кошке... Кызбы ке но кошкыны быгатоды.

Ворошиловлэн ымнырыз вожпотонэн жуатскиз. Со шуак берытскиз сыче вераськись шоры. Со мар ке но вераны öдъя вал но вдруг... Вдруг огпол тэтчемен со платформа доры вуиз. Пулемет! Со адзиз пулеметэз!



Платформаын пöсьву возыны дасям вож бак дорын, борддор дорын ик, бойлы дась пулемет сылэ вал. Кытысь со потйз татчы? Сое татчы охрана пуктйз, луоз, нош паника жутскем бере, ваньмыз со сярись вунэтйзы.

Кык-куинь секунд куспын Клим Ворошилов пулеметэз кутйз, платформа пуме канавае ваиз, дулоеныз нюк пала берыктйз, лентазэ тупатйз но... Дырыз но вал ини!..

Белойёслэн вал вылын азьпал радъёссы нюкысь потыса, шашкаоссэс урдыса, быдэс тулкымен лыкто. Кужымтэм но ассэ возьманы быгатонтэм станцие соослы сюрес усътэмын вал. Эшшо одйг минута, и соос татын луозы.

Нош со дыръя ик пулеметлэн кужмо тачыртэмез чалмытэ вöлскиз. Командармлэн быгатйсь киосыныз ыбылэмен, пуляос андан, узвесь зорен мертчизы лыктйсьёс пöлы. Вить сю пуля минута-лы. Вить пуля секунды. Адзиськымтэ оскымон кулон!

Белой конницаез чылкак бадзым бритва ван-дйз кадь. Нюк дорысь степь соку ик пыты выл-лем съод макеосын шобырскиз — кулэмъёсын,

раненой адямиосын но валъёсын. Кытй-отй степетй дыртыса, кыдёке кошкылйзы куд-огез белойёс энерзы борды лач шымырскыса... Котькуд палась Ворошилов доры табере бызыны кутскизы адямиос. Кытысь ке но кыктэтйзэ пулемет ваизы. Нош уж быдэстэмын вал ини. Тушмонлэн шуак налётэз пазьгемын.

Командующий пыдес вылысьтыз султйз, тушмон пала учкиз но серектйз. Но соку ик кымысыз шымырио луиз.

— Ну вот!— шуиз со.— Тазы умойгес луоз. Нош все-таки станциялэн охранаез кытын вал? Тазы возъмало, шат? Товарищ начальник штаба, та ужез ас вылады басьтэ. Кулэ умой эскерыны. Соос тупатскозы но нош вуозы. Лэзе-ай мон доры комендантэз...

Со пыдесысьтыз луозэ курткыз, пельпумаз карабинзэ ошиз но нош вагонэ пыриз.

— Эшъёс, пожалуйста мон доры! Совещание ведь өз быры на...



ЙЫРСИ ЙЫЛЫН

Белойёслы пумит война пумаз вуэ ни вал. Советской страна аслэсьтыз берпум кышкыт тушмонъёсыз пöлысь одйгзэ—барон Врангелез пумозяз быдтон котыре кутскиз. Буденновской Первой конной армилэн отрядъёсыз, тушмонлэн пытытйз мыныса, Отрада гуртэз басьтйзы. Тушмон чигназ. Чукна конной Армилэн кивалтйсьёсыз Ворошилов, Буденный но мукетъёсыз командиръёс гуртысь одйг коркан люкаськызы ужпумъёсты эскерыны.

Шöдтэк шорысь кытын ке педлон кесяськем куараос, винтовкаен ыбылйськемъёс, вал пыд куараос кылйськызы. Ваньмыз корказе потйзы. Гуртлэн паськыт главной урамез буш вал. Отйын, урамлэн пумаз гинэ, вал вылын муртъёслэн вужеръёссы адзиське. Белой кавалеристъёс асьме войскоосмылэн линиязы пыр потыны быгатйллям,



шөдске. Нош көня соос — өжит-а, уно-а? Кытын соос — ваньмыз-а татын? Яке гурт сьöрын мукетъ-ёсыз кылемъёсыз возъмало на?

Ки улын калык өжит вал, ог кызь-куамын мурт гинэ.

Буденный вал вылаз тэтчиз но ваньмыныз со адымиосын разведкае кошкыз. Соос главной урамтй өз мынэ, а гид-куа беръестй, бакчаостй — котырскыса. Реввоенсоветлэн членэз Ворошилов но штабе өз кылы. Огназ, нөкыче охранатэк со сопала мынйз, кытысь ваче пумит ыбылйськемъёс кылйсько вал.

И вдруг, витентэм шорысь, сюреслэн жынысыныз, штабной корка вискысен но жугиськон инты вискысен урдсысь переулокысь солэсь сюрессэ ваментыса, быдэс эскадрон вал вылын адымиос потйзы. Буденный? Öвөл. Белойёс! Врангелевецъёс!

Валзэ сразу кужмо ворттон дыръяз ик дугдытыны ой лась. Вань кужмысьтыз ворттонъяз ик со тушмонъёслэн пöлазы пыриз.

Киосысьтыз перчаткаоссэ куштыса, Клим Ворошилов револьвер бордаз кырмиськыны шöта вал... Бер, уд вуы! Вöзысьтыз со адже ини пыльк-кем синмо, пиньёссэ галям врангелевецлэсь ымнырзэ. Кияз пикаен казак, Ворошилов вылэ урдйське.

Револьверез! Жоггес револьверез! Наганэз! Бур кыыныз Ворошилов кобурез борды кутскиз, паллянэныз сермет пумзэ кыскиз. Осконо эшез, боевой валэз, соку ик командаез валаз. Пиньёсыныз но пыдъёсыныз со пумитаз тушмонэз, люкетйз солы малпам ужзэ лэсьтыны.

— А-а-а! Ах!

Пика шоналскыса пася ворошиловской буркаез, мугор дортй йырси йыл кем гинэ ортче со, дйсь шымыриосы жега, тугаське.

Кыкез ик валъёс берганы кутскизы, интыазы, огзы борды огзы урдсын зыраськыса, экто, вирен киськем синъёссэс лек пыльккетыса, шимес сорето. Врангелевецлэн лек кырыжомем ымнырыз, туж матын ини... Со маке но сипрес кесяське, шыпыртэ... Буркае жегам приказэ берлань кыскыны туртске... Наганэз, жоггес наганэз! Ворошилов револьверзэ басьтйз, кизэ жутйз...

Нош со дыре ик шуак „ура“ гудыртэм кылйське. Урдсын переулокъёсысь ураме буденно-вещъёс пото.

Секунда — и тōдьыослэн пытьызы но өз кыль ни.

Секыт шокась, пōсектэм боецъёс соослэн бōрсязы уисько. Мукетъёсыз асьсэлэсь командирзэс лач котырто. Дасэн-дасэн киос со доры кыстйсько: утчаны, тодыны—ранить каремын өвөл-а? Дасэн синъёс кышкасагес но шумпотыса солэн ымныраз учко. Улэп? Быдэс? Ранить каремын өвөл-а?

— Ну кыче-о, Климент Ефремович! Кызбы озбы тй?

Нош Климент Ефремович тушмонлэсь кельтэм приказэ дйсь шымыриосысьтыз мырдэм поттэ. Со пōсям вузэ кымысысьтыз чушылэ. Со пальпотэ эшъёсыз шоры...


— Номыр өвөл, номыр өвөл, пиналъёс!— шуэ со.

— Номыр өвөл. Эшшо нюръяськомы на!

1761.

19 96 г.
Акт № 420/
Вкладн. л.

198



10-193573
Дуныз 80 коп.

12970

8-405.

Л. УСПЕНСКИЙ
ЧЕТЫРЕ БОЕВЫХ СЛУЧАЯ

Перевод П. Чайникова

На удмуртском языке

Редактор М. Воронцов

Тираж 4000 экз. Подписано к печати 12 августа 1941 г. НП 6789 Печатных листов 1 1/2
Авторских листов 0,75. В 1 печатном листе 23040 тип. зн. Цена 80 коп.

Типография Полиграфуправления УАССР, гор. Ижевск, Пастухова 13. Заказ № 2681